

Lomiga mo le Polokalame mo le Sauniga o le Faiva ma le Olaga Faa-Kerisiano

ME 3-9

**'OA TAUTELE MAI I LE AFIOGA A LE
ATUA | NUMERA 27-29**

**"Faaa'oa'o i le Lē Faailoga Tagata o
leova"**

w13 6/15 10 ¶14

la Talisapaia Atoatoa Uiga o leova

¹⁴ Na õ atu afafine o Selofeata iā Mose mo se fesoasoani ma fesili atu: "Aiseā ua ave-sea ai le igoa o lo matou tamā mai i lona aiga ona ua leai ni ona atalii?" Pe na tali atu Mose: 'E lē mafai ona ou fesoasoani atu ona o aiāiga o le Tulafono?' E leai, nai lo o lea, na ia 'tuuina atu le mataupu iā leova.' (Nu. 27:2-5) Na fetalai leova iā Mose: "E sa'o faamatalaga a afafine o Selofeata. E ao lava ona e avatu iā i latou le tofi faatasi ma uso o lo latou tamā, ma e ao fo'i ona e faia ni fuafuaga e tuu atu le tofi o lo latou tamā iā i latou." Na fetalai fo'i leova iā Mose ina ia faaopoopo i le Tulafono: "Afa'i e oti se tamāloa ae e leai sona atalii, ia outou faia ni fuafuaga e tuu atu ai le tofi i ona afafine." (Nu. 27:6-8; Iosua 17:1-6) Talu mai lenā taimi, o so o se fafine Israelu na oo i lenā tulaga, na mafai ona maua so latou tofi.

w13 6/15 11 ¶15

la Talisapaia Atoatoa Uiga o leova

¹⁵ Ma'eu se faaa'oa'oga lelei o le lē faailogatagata. E leai se isi na mafai ona sulu i ai afafine o Selofeata mo se fesoasoani. Peita'i, na feutaga'i leova ma i latou i se auala lelei ma faaalolo, e pei o le auala na ia feutaga'i ai ma isi tagata Israuelu. (Sala. 68:5) Ua na o se faaa'oa'oga lea mai le anoanoa'i o tala mai le Tusi Paia, i le auala na feagai ai leova ma ona tagata e aunoa ma le faailo-

gatagata.—1 Samu. 16:1-13; Galu. 10:30-35, 44-48.

w13 6/15 11 ¶16

la Talisapaia Atoatoa Uiga o leova

¹⁶ E faapefea ona tatou faaa'oa'o i le lē faailogatagata o leova? la manatua, e tatou te lē faaitu'au, pe a tatou **talitonu** e tutusa tagata uma. Atonu e tatou te manatu e tatou te lē faailogatagata. Peita'i e faigatā ona iloa o tatou manatu moni e faatatau i isi i nisi taimi. O le ā e fesoasoani iā i tatou? Na faataatia e Iesu se faaa'oa'oga i lenā vala. Ina ua ia fia iloa manatu o tagata e faatatau iā te ia, na ia fesili atu i ona soo: "O le ā se tala a tagata, po o ai le Atalii o le tagata?" (Mata. 16:13, 14) E mafai ona e fesili i sau uō maufaatuatuaina: 'Po o tutusa le auala o loo o'u feutaga'i ai ma tagata uma? Pe e manatu nisi iā te a'u o sē e faailogatagata?' Atonu e faapea atu lau uō e lē tutusa le auala o loo e feutaga'i ai ma isi, ona o o latou lanu, tulaga tau tamaoaiga po o a'o-a'oga fo'i. O le ā e tatau ona e faia? la tatalo i le fesoasoani a leova ina ia suia le auala e te manatu ai i isi, ma faata'ita'i ai i lana faa'oa'oga.—Mata. 7:7; Kolo. 3:10, 11.

Sa'illi'iliga mo 'Oa Faaleagaga

it-2 528 ¶15

Taulaga

Taulaga i meainu. O taulaga i meainu na ofoina atu faatasi ma le tele o isi taulaga, aemaise lava ina ua nofoia e tagata Israuelu le Nuu Folafolaina. (Nu 15:2, 5, 8-10) O taulaga i meainu e aofia ai le uaina, lea e iai le ("ava malosi") ma na sasaa i luga o le fata faitaulaga. (Nu 28:7, 14 faatusatusa i le Eso 30:9; Nu 15:10.) Na tusi atu le aposetolo o Paulo i Kerisiano i Filipi: "[Pe afa'i] ua lili-gina a'u e pei o se taulaga i meainu, i luga o

la outou auaunaga lea ua outou faia ona o lo outou faatuatua, ua ou fiafia.” Na faaaogā faafaatusa e le apostetolo o Paulo taulaga i meainu e faamatala ai lona lotomalie e faa-aogā lona malosi, taimi ma alagā’oa mo ona uso Kerisiano. (Fil 2:17) A o toeitiiti maliu o ia, na ia tusi atu iā Timoteo: “Ua liliqina atu a’u e pei o se taulaga i meainu, ma ua lata le taimi e faasa’olotoina ai a’u.”—2Ti 4:6.

ME 10-16

‘OA TAUTELE MAI I LE AFIOGA A LE ATUA | NUMERA 30-31

“Ia Avatu lā leova Mea ua E Tautō ai”

it-2 1162

Tautoga

Faia ma le Lotomalie, ae pe a Faia se Tautoga e Tatau Ona Tausia. O le tautoga o se mea e ofoina atu ma le lotomalie e se tagata. Peita’i, pe a faia e se tamāloa se tautoga, e tatau ona ia tausia e tusa ai ma tulafono a le Atua. O le mea lena ua ta’ua ai le tautoga e pei o se mea ua “noanoatia ai o ia,” ma ua faailoa mai ai e oo lava i lona ola e aafia ai fo’i i le tausiaina o ana upu. (Nu 30:2; taga’i fo’i i le Ro 1:31, 32.) Talu ai ua leaga le tulaga o mea, ua tatou malamalama ai la i le māfuaaga ua lapata’i mai ai le Tusi Paia ia matuā faaeteete a o le’i faia se tautoga, ma ia iloilo ma le faaeteete mea e aofia ai. Ua ta’ua i le Tulafono: “Afaia te faia se tautoga iā leova . . . o le a tāpā mai lava e leova lou Atua mai iā te oe lou faia o lea mea, ma o se agasala lea iā te oe. Ae afaia te le’i faia se tautoga, e lē o se agasala lea iā te oe.”—Te 23:21, 22.

w17.04 3 ¶2

“O le Mea ua E Tautō ai, ia E Avatu”

² E pei ona faaaogā i le Tusi Paia, o le tautoga o se folafolaga tāua e faia e se tasi i le

Atua. E folafola atu e lenā tagata e na te faia se gaoioiga, ofo atu se meaalofa, faia se au-aunaga, pe faamamao mai i nisi o mea. O le tautoga o se mea e filifili le tagata lava ia e fai ma le lotomalie. E ui i lea, o se mea e paia i le silafaga a le Atua ma e ao ona tau-sisi i ai, auā ua folafola atu e se tagata o le a ia faia pe lē faia fo’i se mea. (Kene. 14: 22, 23; Epe. 6:16, 17) O le ā ua ta’ua i le Tusi Paia e faatatau i le tāua o le faia o ni tau-toga i le Atua?

w04 8/1 27 ¶3

Manatu Tāua Mai le Tusi o Numera

30:6-8—Pe mafai e se tane Kerisiano ona faalēaogāina le tautoga a lana avā? E tusa ai ma tautoga, ua feagai leova ma ona tagata tapua’i ta’ito’atasi i le taimi nei. O se faaa’oa’oga, o le tuuina atu iā leova, o se tautoga lea e fitoitonu i le tagata lava ia. (Kalatia 6:5) E leai se pule a le tane e na te taofia ai pe faalēaogāina lea tautoga. E tatau ai la i le avā ona ‘alofia le faia o se tautoga e feteena’i ma le Afioga a le Atua po o ona tiute tauave mo lana tane.

Sa’illi’iliga mo ‘Oa Faaleagaga

it-2 28 ¶1

Iefata

E mafai ona tuutoina atu se tagata e auauna i lona olaga atoa iā leova i lona malumalu. O se aiaā tatau e mafai ona atia’e e mātua. O Samuelu o se tasi o i latou nei na tautō ai lona tinā o Hana a o le’i fanau mai, ina ia auauna i le fale’ie paia. Na faamaonia lenei tautoga e lana tane o Elekana. O le taimi lava na te’ā ai Samuelu ma le susu, na ofo atu ai loa o ia e lona tinā o Hana i le malumalu ma na aumaia fo’i e Hana o taulaga i manu. (1Sa 1:11, 22-28; 2:11) O Samasoni le isi tamaitiiti na tuutoina atu i le auaunaga i le Atua o se Naseri.—Fam 13:2-5, 11-14; faa-

tusatusa i le pule a se tamā i lona afafine o
loo faamatalaina i le Nu 30:3-5, 16.

ME 17-23

'OA TAUTELE MAI I LE AFIOGA A LE ATUA | NUMERA 32-33

Ia "Tutuliese Tagata Uma o le Lauele- ele"

w10 8/1 23

E te Silafia?

O ā "mea maualuluga" e masani ona ta'ua
i Tusi Paia Eperu?

Ina ua sauni Israuelu e ulu atu i le Nuu o le Folafolaga, na fetalai leova iā i latou e ave-ese mea uma o fai ai tapua'iga a tagata Kanana o loo iai i le nuu. Na poloā'i atu le Atua: "la outou . . . nutipalaina a latou faatagata maa, ia nutipalaina a latou tupua u'amea, ia nutipalaina fo'i ma a latou mea maualuluga paia." (Numera 33:52) Atonu o na nofoaga autū o tapua'iga sesē, a lē i a'ega maualuluga, o ni pa maa sa fausia i isi vaega, i lalo o laau po o aai. (1 Tupu 14:23; 2 Tupu 17:29; Esekielu 6:3) Masalo sa iai ni fata faitaulaga, poutū ma pou paia, faatusa, fata e faamū ai mea manogi, ma isi mea sa faaaogā mo taulaga.

w08 2/15 27 ¶5-6

A'oa'oina se Lesona Mai Mea Sesē na Faia
e Israuelu

O loo tatou fesaga'ia le tele o tofotofoga e pei fo'i ona fesaga'i ma tagata Israuelu. Ua tele mea ua fai ma tupua o tagata i aso nei. E aofia ai tipe, o tagata laulioa i mea faafafia ma taaloga, o faiga faapolotiki, o ta'ita'i faapitoa o lotu, e oo lava i totonu o aiga. E mafai lava ona tatou faamuamua na mea i o tatou olaga. O le atia'e o ni faigāuō māfana ma ē e lē alolofa iā leova, e ono faavaivaia ai i tatou i le itu faaleagaga.

O feusua'iga e lē mamā, o se vaega autū lea o le tapua'iga iā Paala lea na faasesēina ma faatosinaina ai le tele o tagata Israuelu. O loo faaaauau pea ona maileia tagata o le Atua i na faiga. O se faata'ita'iga, e faigofie lava ona ki le TV e te matamata ai. Ae pe afai e oso mai se ata e iai faiga lē mamā, ma o loo tatou matamata pea ae lē tapē le TV, e mafai ona faaleagaina ai o tatou lotofuatiaifo. O lea o se tulaga faanoanoa pe a maileia se Kerisiano e lē gata i lenā mea, ae o ata ma faiga matagā fo'i o loo faaalia i le Initanieti.

it-1 404 ¶2

Kanana

Na gaoioi ma le atamai losua e ala i lona lē 'tuua o se upu o upu uma na poloa'i mai ai leova iā Mose,' e faatatau i le faaumatiaga o tagata Kanana. (los 11:15) Peita'i e le'i mulimuli le nuu o Israuelu i le ta'ita'iga lelei a losua, ma lē mafai ai ona latou ave-esea atoatoa mea na faaleagaina ai i latou. O le faaaauau ona iai pea o tagata Kanana faatasi ma le nuu o Israuelu, na aumaia ai i'uga leaga. A o faagasolo taimi, o na i'uga leaga na saosaolaumea i le to'atele o i latou na feoti, (ona o le lē faailoaina o o latou solitulafono, o amioga lē mamā ma le ifo i tupua) nai lo o tagata Kanana na tatau ona fasiotia i le poloā'i na tuuina atu e leova. (Nu 33:55, 56; Fam 2:1-3, 11-23; Sl 106:34-43) Na lapata'ia e leova tagata Israuelu, e lē faailoga tagata ana faamasinoga ma i'uga o ana faamasinoga. Pe afai la e faaaauau pea ona feutaga'i tagata Israuelu ma tagata Kanana, faaipoipo atu iā i latou, mulimuli i a latou tū faalotu ma gaoioiga e inosia, o le a oo iā i latou le poloā'i ina ia fasiotia i latou e pei ona poloā'i ai tagata Kanana, ma o le i'uga o le a 'luai mai ai i latou e le laueleele.'—Eso 23:32, 33; 34:12-17; Le 18: 26-30; Te 7:2-5, 25, 26.

Sa'ili'iliga mo 'Oa Faaleagaga

it-1 359 ¶2

Tuaoi

Pe a māe'a ona faasino mai e le vili le itulagi o le fanua mo se ituaiga, ona fua loa lea o le telē o le lauelele e ala i le faaaogā o le mea moni lona lua: le to'atele o le aofa'i o tagata. "E ao ona outou vaevaeina le lauelele iā te outou lava, e fai ma fanua e tusa ma o outou aiga e ala i le faia o le vili. O le aiga e to'atele e ao ona outou faateleina lo latou tofi, ma o le aiga e to'alaiti, e ao ona outou faaitiitia lo latou tofi. O le mea ua faasaga i ai le vili mo ia, o le fanua lenā e fai mo ia." (Nu 33:54) E tumau pea le itulagi ua tofia i ai se ituaiga e tusa ai ma le vili, ae e mafai ona fetuuna'i le telē o le fanua. O lea, ina ua iloa e telē le fanua na maua e luta, na faaitiitia ona fanua e ala i le toe tofia o isi vaega mo le ituaiga o Simeona.—los 19:9.

ME 24-30

'OA TAUTELE MAI I LE AFIOGA A LE ATUA | NUMERA 34-36

"la Sulufa'i Atu iā leova"

w17.11 9 ¶4

Po o E Sulufa'i Atu iā leova?

⁴ Ae na faapefea ona feutaga'i tagata Isaraelu ma sē na fasioti tagata pa'ivalea? E ui e le'i fuafuaina le gaoioiga na ia faia, ae na nofosala lava o ia i le faamasaaina o le toto o le tagata e lē sala. (Kene. 9:5) Peita'i, na iai se faatulagaga alofa na faataga ai lē na fasioti tagata pa'ivalea e sola ese mai i lē na te tauimasui i le toto, ma sulufa'i atu i se tasi o aai o sulufa'iga e ono na iai. O i inā na maua ai e lē na fasioti tagata pa'ivalea le puipuiga, ma na tatau ona nofo ai i totonu o le aai o sulufa'iga se'ia maliu le ositalaulaga sili.—Nu. 35:15, 28.

w17.11 9 ¶6

Po o E Sulufa'i Atu iā leova?

⁶ Pe afai na faafuase'i ona fasiotia se tasi, e tatau i lē na fasioti tagata pa'ivalea ona sola atu i le aai o sulufa'iga, ma muamua "tautala atu a o faalogologo mai toeaina" o loo i le faitoto'a o le aai. E tatau ona talileleia o ia e toeaina. (Iosua 20:4) I se taimi mulimuli ane, e toe auina atu o ia i toeaina o le aai lea na ia fasiotia ai le tagata, ma e latou te faia lona faamasinoga. (**Faitau le Numera 35:24, 25.**) E faato'ā mafai ona toe faafo'i o ia i le aai o sulufa'iga pe afai e faamaonia e le'i fuafuaina le gaoioiga na ia faia.

w17.11 11 ¶13

Po o E Sulufa'i Atu iā leova?

¹³ O le taimi lava na taunuu ai le tagata sulufa'i i se aai o sulufa'iga, na saogalemu o ia. Na fetalai leova e faatatau i na aai: "la avea ma aai o sulufa'iga mo outou." (Iosua 20: 2, 3) E le'i finagalo leova e toe faamasinoina le fasioti tagata pa'ivalea mo le solitulafono lava lea e tasi, pe faataga lē na te tauimasui i le toto e alu atu i totonu o le aai ma fasioti le tagata sulufa'i. E lē mana'omia ona fefe le tagata sulufa'i ina ne'i tauimasui atu se tasi iā te ia. A o iai i totonu o le aai, na saogalemu ma malupuipuia o ia i le puipuiga a leova. O lenā aai e lē o se **falepuipui**. Na mafai e le tagata sulufa'i ona faigaluega, fesoasoani i isi, ma auauna iā leova ma le filemu. Ioe, na mafai ona ia maua se olaga fiafia ma faamalieina!

Sa'ili'iliga mo 'Oa Faaleagaga

w91 6/15 13 ¶13

Le Togiola Talafeagai mo Tagata Uma

¹³ Peita'i, e le'i aogā ia Atamu po o Eva le togiola. O le mataupu silisili lenei ua iai i le Tulafono faa-Mose: "E lē tatau ona outou talia se togiola mo le ola o se fasioti tagata

o lē ua tatau i ai le oti." (Numera 35:31, NWT) Sa le'i 'olegia Atamu, o lea o lana agasala sa faia ma le loto i ai ma le iloa. (1 Timoteo 2:14) Na i'u ai i le fasiotia o lana fanau, auā ua tuufaasolo mai nei iā i latou lona lē lelei atoatoa, ma oo atu ai i le faasalaga o le oti. E manino lava la, ua tatau ona oti Atamu, ona o ia o se tagata lelei atoatoa, ae na ia filifili ma le loto i ai ia lē usiusita'i i le tulafono a le Atua. O le a feteena'i ma mataupu silisili amiontonu a leova pe afai e faatatauina le togiola iā Atamu. Peita'i, ua saunia e le Atua le totogi mo le agasala a Atamu, lea o le a aveesea ai le faasalaga o le oti mai i lana fanau! (Roma 5:16) I se uiga faaletulafono, ua vavaeesea tonu lava le malosi o le agasala mai lona amataga. Na 'oo le oti' i lē na faatinoina le togiola 'ona o tagata uma,' e tauaveina ai āuga o le agasala mo le fanau uma a Atamu.—Eperu 2:9; 2 Korinito 5:21; 1 Peteru 2:24.

ME 31—IUNI 6

'OA TAUTELE MAI I LE AFIOGA A LE ATUA | TEUTERONOME 1-2

"O le Atua e Ona le Faai'uga"

w96 3/15 23 ¶1

O leova—O Lē Alofa i le Amiontonu ma le Faamasinoga Tonu

O toeaina tofia o le faapotopotoga, ua iā i latou le matafaioi e faia ai faamasinoga o solitulafono matuiā. (1 Korinito 5:12, 13) Pe a faia faapea, e latou te manatua e sa'ilia e le faamasinoga tonu a le Atua le faasafua atu o lona alofa mutimutivale pe a tatau ai. Pe afai e leai se faavae e mana'omia ai, e pei o le tulaga o le tagata ua faimea sesē ae lē salamō, e lē mafai la ona faasafua atu lena alofa mutimutivale. Peita'i, e lē faapea e faate'a e toeaina se tagata faimea sesē mai le faapotopotoga, ona o le fia tauimasui. E

latou te faamoemoe o le a fesoasoani le faate'aina e toe faasa'oina ai o ia. (Faatusatusa i le Esekielu 18:23.) I le tulaga ulu o Keriso, ua auauna le 'autoeaina mo le faamasinotonu, ma e aofia ai le avea e pei o se "lafitaga mai i le matagi." (Isaia 32:1, 2, NWT) O lea, e tatau ona latou faaalia le lē faailoga tagata ma magafagafa.—Teuteronome 1:16, 17.

w02 8/1 9 ¶4

Ia Gaua'i ma le Faamaoni i le Pulega a le Atua

⁴ Peita'i, e sili atu mea sa mana'omia i le avea ai ma faamasino nai lo o le iloaina o le Tulafono. Talu ai ona o le tulaga lē lelei atoatoa, sa tatau ai i toeaina ona mataala e teena so o se faanaunauga e ono faasesē ai la latou faamasinoga, e pei o le manatu faapito, faailoga tagata, ma le matape'ape'a. Na ta'u atu e Mose iā i latou: "Aua tou te faa'au'au i a outou faamasinoga. E ao ona outou faalogo i lē e faatauvaa e pei ona outou faalogo i lē e aloa'ia. Aua tou te fefefe i tagata auā o le Atua e ona le faai'uga." Ioe, o faamasino Israelu sa avea ma faamasino mo le Atua. Ma'eu se faaeaga mata'ina sa iai! —Teuteronome 1:16, 17, NWT.

Sa'il'i'iliga mo 'Oa Faaleagaga

w13 9/15 9 ¶9

E Maufaatuatuaina Faamanatuga a leova

⁹ A o faimalaga tagata Israelu mo le 40 tau-saga i le toafa, e le'i tuuina atu e leova iā i latou ni faamatalaga patino i le auala e ta'i-ta'ia, puipuia ma tausia ai i latou. Peita'i, e tele auala na faailoa atu ai e leova iā i latou, e latou te maua aogā pe a faatuatuaina o ia ma usita'ia ana faatonuga. O le ao faaniutū i le ao ma le afi i le pō, na faamautinoa atu ai e leova iā Israelu lona lagolagoina o i latou i se faigāmalaga faigatā. (Eso. 40:36-38; Teu. 1:19) Na ia saunia fo'i mea na latou mana'omia. "E leai se mea na latou matitiva

ai. E le'i pala o latou ofu, ma e le'i fulafula fo'i o latou vae.”—Nee. 9:19-21.

IUNI 7-13

'OA TAUTELE MAI I LE AFIOGA A LE ATUA | TEUTERONOME 3-4

"E Atamai ma Faamasinotonu Tulafono a leova"

it-2 1140 ¶5 Malamalamaga

O le filigā e su'esu'e ma faatatau le Afioga a le Atua ma ana faatonuga, o le a mafai ai e se tasi ona maua le tofā mamao nai lo o lana faia'oga, ma sili atu ai lona malamalama nai lo o toeaina. (Sl 119:99, 100, 130; faatususa i le Lu 2:46, 47.) Talu ai ona ua iai le atamai ma le malamalama i tulafono mamā ma i'uga o faamasinoga a le Atua. O lea, o le tausia ma le faamaoni e tagata Israaelu o ia mea na māfua ai ona manatu nuu na si'omia ai i latou, o i latou o ni tagata e “atamamai ma malamalama.” (Te 4:5-8; Sl 111:7, 8, 10; faatususa i le 1Tu 2:3.) O le tagata malamalama e na te iloa e lē mafai ona suia le Afioga a le Atua, e mana'o e vaai i mea e pei ona silasila i ai le Atua, ma öle atu mo lana fesoasoani. (Sl 119:169) E na te faatagaina le Afioga a le Atua e pā'ia ai lona loto (Mat 13:19-23), tusia i luga o le papamaa o lona loto (Fat 3:3-6; 7:1-4), ma atia'e ai le 'ino'ino i “ala sesē uma” (Sl 119:104). Na faaalia e le Atalii o le Atua lenā malamalama a o iai i le lalolagi, e oo lava i lona teena o le sa'ilia o se auala e faasaoina ai o ia mai i le maliu i se laau e faapuapuagatia ai. O le auala lenā e faataunu ai Tusitusiga Paia.—Mat 26:51-54.

w99 11/1 20 ¶6-7 Pe a Matuā Tele le Limafoa'i

Ua māofa le tupu tama'ita'i i mea na ia faa-

logo ma vaai i ai, ma na ia tali atu ma le lotomaulalo e faapea: “E fiafia fo'i au au-auna o ē o loo tutū e lē aunoa i ou luma, ma faalogo i lou atamai!” (1 Tupu 10:4-8, NWT) E na te le'i ta'utino maia le olioli o auauna a Solomona ona sa si'omia i latou i le tamaoaiga, e ui lava o le mea moni lena. Nai lo o lea, sa faamanuiaina auauna a Solomona ona o lo latou faalogologo e lē aunoa i le poto o Solomona na foa'i i ai e le Atua. Ma'eu se faaa'oa'oga lelei a le tupu tama'ita'i o Seepa mo tagata o leova i aso nei, o ē o loo olioli i le atamai o Lē na foafoaina mea faapea ma lona Alo o lesu Keriso!

O le isi mea mata'ina, o le faamatalaga na sosoo ai a le tupu tama'ita'i iā Solomona e faapea: “la viia leova lou Atua.” (1 Tupu 10:9, NWT) E faavae i faamaoniga, na ia vaaia le foa'iina atu e leova iā Solomona o le poto ma le tamaoaiga. Ua ögatusa lenei ma le mea na mua'i folafola atu e leova iā Israaelu. ‘O le tausia o a'u tulafono,’ na fetalai ai o ia “o se faai'uga atamai lo outou faia faapea ma e faaalia ai fo'i lo outou malamalama i luma o tagata o ē o le a faalogo i ia tuutuuga uma ma faapea ane, ‘e matuā atamamai ma malamalama tagata o lenei nuu malosi ma matuā to'atele.’”—Teuteronome 4:5-7, NWT.

w07 8/1 29 ¶13 Po o E “Mau'oa i le Atua”?

¹³ Pe a faamanuia leova i ona tagata, e na te avatu iā i latou le faamanuia e silisili ona lelei. (Iakopo 1:17) Mo se faata'ita'iga, ina ua avatu e leova i tagata Israaelu le nuu e no-nofo ai, o se nuu sa “tafe ai le suāsusu ma le meli.” E ui o le auala fo'i lena na faamatalaina ai le nuu o Aikupito, ae e iai se vala se tasi na ese ai le nuu lea na avatu e leova i tagata Israaelu. Na faapea atu Mose i tagata Israaelu: “O le nuu e tausia e leova lou Atua.” I nisi faaupuga, e latou te manuia ona

o le a tausia e leova i latou. Pe a faaaauau ona faamaoni tagata Israuelu iā leova, o le a ia matuā faamanuia iā i latou ma ola ai i se olaga e matuā sili atu i isi uma nuu tuaoi. Ioe, o le faamanuia a leova e “faatamaoaiga ai”!—Numera 16:13; Teuteronome 4:5-8; 11:8-15.

Sa’ili’iliga mo ‘Oa Faaleagaga

w04 9/15 25 ¶3

Manatu Tāua Mai le Tusi o Teuteronome

4:15-20, 23, 24—Po o le uiga o le faasāina o le tāina o tupua e faapea ai, e sesē le tāina o ni mea taulima a tagata tusiata? E leai. Sa faatatau atu lenei faasāsāaga i le faia o tupua e ifo i ai i tapua’iga, e sā ona ‘ifo i ni faatusa ma auauna i ai.’ E lē faasāina i le Tusi Paia le vaneina o faatagata po o le valiina o ni ata mo le teuteuina o se fale.
—1 Tupu 7:18, 25.

IUNI 14-20

‘OA TAUTELE MAI I LE AFIOGA A LE ATUA | TEUTERONOME 5-6

“Ia A’oa’o Lau Fanau ia Alofia iā leova”

w05 6/15 20 ¶11

Mātua e, la Tausia Lelei o Outou Aiga

¹¹ I lenei mataupu, ua tele ina sii mai le Teuteronome 6:5-7. Faamolemole ia tatala lau Tusi Paia ma faitau i na fuaiupu. Mātau, o loo faatonuina muamua mātua ina ia atia’e o latou itu faaleagaga, o le alofa lea mo leova ma ia manatua ana fetalaiga. Ioe, e tatau ona avea oe o se tagata to’aga e su’esu’e le Afioga a le Atua, faitau e lē aunoa le Tusi Paia ma manatunatu loloto i ai, ina ia mafai ona e atia’e se malamalamaga moni ma nau-nau i ala o leova, ana upu moni faavae ma ana tulafono. O le i’uga, o le a tumu lou loto i upu moni o le Tusi Paia, lea o le a e maua

ai le fiafia, mata’u ma le alofa mo leova. O le a tele mea lelei tou te tuuina atu i a outou fanau.—Luka 6:45.

w07 5/15 15-16

Fesoasoani i Lau Fanau Ina ia Maua A’o-a’oga Moni

O ou faanaunauga, o mea e te faatāua ma mea e te fiafia ai, o le a atagia i lau talanoa ma au gaoioiga. (Roma 2:21, 22) A o lāiti le fanau, e latou te a’oa’oina mea e ala i le mātau o mea e fai e o latou mātua. E lagona e le fanau mea e faatāua e o latou mātua, ma latou faatāuaina fo’i ia mea. Pe afai e moni lou alofa mo leova, o le a mātauina e lau fanau. O se faata’ita’iga, latou te mātauina e tāua tele iā te oe le faitau ma le su’esu’eina o le Tusi Paia. O le a latou iloa ai e te faamuamua mana’oga o le Malo i lou olaga. (Mataio 6:33) O lou auai e lē aunoa i sauniga faa-Kerisiano ma le tala’ia o le Malo, latou te iloa ai e sili ona tāua iā te oe le auaunaga paia iā leova.—Mataio 28:19, 20; Eperu 10:24, 25.

w05 6/15 21 ¶14

Mātua e, la Tausia Lelei o Outou Aiga

¹⁴ E pei ona ta’ua i le Teuteronome 6:7, e tele avanoa e mafai ai e outou mātua ona talanoa ma fanau i mea faaleagaga. E ono maua avanoa e tausia ai mana’oga faaleagaga o fanau pe a faimalaga faatasi, fai fe’au faatasi i le fale, po o taimi paganoa fo’i. E lē mana’omia ona e “lauga atu” i taimi uma e uiga i upu moni o le Tusi Paia i lau fanau. Nai lo o lea, ia taumafai e faia talanoaga faale-aiga o se mea e atia’e ai, ma ia taula’i atu i mea faaleagaga. O se faaa’oa’oga, ua aofia i le mekasini o le *Ala Mai!* le tele o mataupu eseese. E ono avea na mataupu e faavae ai talanoaga e uiga i meaola na faia e leova, nofoaga matagofie o mea faalenatura i le lalolagi, ma aganuu eseese a tagata ma o

latou soifuaga. O na talanoaga atonu e uuna'ia ai talavou e faitau atili i lomiga ua saunia e le pologa faamaoni ma le faauta.—Mataio 24:45-47.

Sa'ilii'liga mo 'Oa Faaleagaga

w19.02 22 ¶11

Le Alofa ma le Faamasinotonu i Israelu Anamua

¹¹ **Lesona:** E lē gata le silafaga a leova i foliga vaia o tagata, ae e mafai ona ia iloa lelei o tatou lo. (1 Samu. 16:7) E na te silafia uma o tatou mafaufauga, faalogona, ma gaoioiga. E silasila mai o ia i o tatou uiga lelei ma faalaeiauina i tatou e faia mea lelei. Peita'i, e finagalo o ia ina ia tatou iloa ma pulea o tatou mafaufauga sesē, a o le'i oo ina tatou faia ni gaoioiga sesē.—2 No. 16:9; Mata. 5:27-30.

IUNI 21-27

'OA TAUTELE MAI I LE AFIOGA A LE ATUA | TEUTERONOME 7-8

"Aua Tou te Faaipoipo Atu Iā i Latou"

w12 7/1 29 ¶2

Aiseā e Finagalo ai le Atua ia Faaipoipo Ona Tagata Tapua'i, Tau Lava o Tagata Tapua'i?

I le vaaiga lautele, na silafia e leova o loo mana'o Satani e faaliliu Ona tagata, ina ia tapua'i atu i atua sesē. Na lapata'i atu le Atua e uiga i ē e lē talitonu e faapea, e "latou te faaliliuina o outou atalii mai i le mulimuli atu i le Atua, ma latou auauna atu fo'i i isi atua." E to'atele na lamatia i lea tulaga. Afai e auauna atu tagata Israuelu i isi atua, o le a latou lē maua la le finagalo malie ma le puipuiga a leova, ma e faigofie ona faaumatia i latou e o latou fili. O le a faapefea la ona auala mai le Mesia folafolaina i le

nuu o Israuelu? E manino mai, e iai le māfuaaga na mana'o ai Satani e taa'ina tagata Israuelu, e faaipoipo atu i tagata lē talitonu.

w15 3/15 30-31

Po o Talafeagai Pea Ona Faaipoipo "Tau o Lē ua i le Alii"?

Ua faatulaga e leova i lana Afioga le ta'iala ina ia faaipoipo tau o lē ua i le Alii. Aiseā? Auā e na te silafia le mea e lelei mo ona tagata. E lē gata e finagalo o ia e leoleoina ana auauna mai āuga tīgā o le uia o se ala lē atamai, ae ia latou maua fo'i le fafia. I aso o Neemia, ina ua faaipoipo le to'atele o lutaia i tagata o nuu ese e lē tapua'i iā leova, na ia faasino atu i latou i le faa'a'o'oga leaga a Solomona. E ui lava "sa alofagia o ia e lona Atua, . . . a ua agasala o ia ona o fafine ese." (Nee. 13:23-26) Ua faatonuina e le Atua ana auauna ina ia faaipoipo tau o ona tagata tapua'i moni, mo lo latou lelei. (Sala. 19:7-10; Isa. 48:17, 18) E lotofaafetai Kerisiano moni mo le tausiga agalelei a le Atua, ma e latou te faalagolago fo'i i lana ta'ita'iga. E latou te vāai iā te ia o Lē e Silisili Ese e ala i le gaua'i atu iā te ia.—Faata. 1:5.

w15 8/15 26 ¶12

Ia Mataala i Au Aumea i Nei Aso e Gata Ai

¹² E tāua tele i Kerisiano nofofua o loo fia faaipoipo ona mataala i a latou aumea. Ua lapata'i mai le Tusi Paia: "ia aua ne'i amo faalēgatasi ma ē e lē talitonu. Auā e faapefea ona fesoota'i le amiontu ma le amioleaga? E faapefea ona mafuta le malamalama ma le pōuliuli?" (2 Kori. 6:14) Ua fautuaina e le Tusi Paia auauna a le Atua o loo sa'ilia ni paaga faaipoipo ina ia faaipoipo "tau lava o lē ua i le Alii," o lona uiga ia faaipoipo tau o auauna tapua'i a leova ua uma ona tuuina atu ma papatiso, o loo ola e ōgatusa ma a'o'a'oga a le Tusi Paia. (1 Kori. 7:39) O le faaipoipo iā i latou na, o le a maua ai e

Kerisiano ni paaga ua tuutoina atu iā leova ma o le a fesoasoani iā i latou e faatumau lo latou faamaoni iā te ia.

Sa'ili'iliga mo 'Oa Faaleagaga

w04 2/1 13 ¶4

Ua Saunia E leova Mea Tatou te Mana'omia i le Aso

O a tatou tatalo mo mea'ai i aso ta'itasi, e ao ona tatou manatua ai o tatou mana'oga mo taumafa faaleagaga i aso ta'itasi. E ui i lona fia taumafa ina ua uma le tele o aso o faalāina, ae na teena e lesu le faaososoga a Satani ina ia liua maa e avea ma areto, e ala i lona faapea atu: "Ua tusia, 'E lē na o mea'ai e ola ai le tagata, ae o afioga uma e tulei mai i le fofoga o leova.'" (Mataio 4:4, NWT) Na ta'ua i inei e lesu upu a le perofeta o Mose o lē na fai atu i tagata Israaelu: "Na ia [leova] faamaulaloina oe ma tuu oe ia matelāina, ma fafaga iā te oe i le manai lea e te le'i masani ai pe masani ai fo'i ou augātamā; ina ia e iloa ai e lē na o mea'ai e ola ai le tagata, ae o afioga uma e tulei mai i le fofoga o leova e ola ai le tagata." (Teuteronomie 8:3, NWT) O le auala na saunia ai e leova le manai, na maua ai e tagata Israaelu a latou taumafa atoa fo'i ma ni lesona aogā. O se tasi o nei lesona, na tatau ona "ao mai e tusa ma mea e talafeagai ma le tagata i aso ta'itasi." Afai latou te faaputuina mea e sili atu mo le aso, o le a tumu i ilo ma elo ai mea o le a totoe. (Esoto 16:4, 20, NWT) Peita'i ane, e le'i tupu lenā mea i le aso lona ono lea sa tatau ai ona ta'ilua mea latou te faaputuina mo le aso, ina ia tausia ai o latou mana'oga mo le Aso Sapati. (Esoto 16:5, 23, 24) E ala i le manai, na faamanatu atu ai iā i latou e tatau ona usi-usita'i, ma e faalagolago o latou ola e lē gata i taumafa, ae i "mea uma e tulei mai i le fofoga o leova."

IUNI 28-IULAI 4

'OA TAUTELE MAI I LE AFIOGA A LE ATUA | TEUTERONOME 9-10

"O le ā se Mea e Finagalo Mai i ai leova Lou Atua iā te Oe?"

w09 10/1 10 ¶3-4

O le ā e Mana'omia e leova Mai iā i Tatou?

O le ā e uuna'ia i tatou ia usita'i ma le fiafia i le Atua? E iai se vala na ta'ua e Mose e faapea: "la e mata'u iā leova lou Atua." (Fuaiupu 12) E lē o se mata'u ona o le fefe i āuga leaga, ae o se mata'u tatau ma le faaloalo i le Atua ma ona ala. Pe a iā i tatou le mata'u i le Atua, o le a tatou lē faia se mea e lē fiafia i ai o ia.

O le ā le uuna'iga sili e tatou te usita'ia ai le Atua? Ua faapea mai Mose: 'la e alofa iā te ia, ma auauna iā leova lou Atua ma lou loto atoa ma lou agaga atoa.' (Fuaiupu 12) O le alofa i le Atua, e lē na o faalogona e aofia ai. Ua ta'ua i se tasi tusi e faapea: "O veape Eperu mo faalogona, e faasino atu i nisi taimi i gaoioiga e māfua mai i na faalogona." Ua faapea mai lenā lava tusi, o le uiga o le alofa i le Atua, o le "gaoioi ma le alofa" iā te ia. O lona uiga, afai e tatou te alolofa moni i le Atua, o le a tatou gaoioi pea i auala e tatou te iloa e fiafia ai o ia.—Faa-taoto 27:11.

w09 10/1 10 ¶6

O le ā e Mana'omia e leova Mai iā i Tatou?

E faamanuiaina i tatou pe a tatou usita'i ma le fiafia. Na tusi Mose e faapea: "la e tausiusi i poloā'iga . . . ou te fai atu ai iā te oe i le aso nei, ina ia manuia ai oe." (Fuaiupu 13) Ioe, o poloā'iga uma a leova, po o mea ua ia faafinagaloina, e mo lo tatou lelei. Aiseā e moni ai lenā manatu? Ua faapea mai le Tusi Paia: "O le Atua o le alofa lava ia." (1 Ioane 4:8) O lea, ua ia tuuina mai na o

poloa'iga e aogā mo lo tatou lelei e oo i le faavavau. (Isaia 48:17) O lo tatou faia o mea uma e mana'omia e le Atua, o le a faaitiitia ai faanoanoaga i le taimi nei, ma maua ai faamanuiaga e faavavau i le pulega a lona Malo i le lumana'i.

c/ 16 ¶2

Pe Mafai Moni Ona E “Faalatalata Atu i le Atua”?

² Sa fiafia Aperaamo anamua i lenā faauōga māfana. Na ta'ua e leova lenā tamā anamua e faapea, o “la'u uō.” (Isaia 41:8) loe, sa fai-tauina e leova Aperaamo o sana uō mamae. O le faiā lenā sa iā Aperaamo talu ai lona ‘faatuatua atu iā leova.’ (Iakopo 2:23) I aso fo'i nei, o loo sa'iili leova i ni avanoa e faalia ai lona “fiafia” tele iā i latou o ē auauna atu iā te ia ona o le alofa. (Teuteronome 10:15) Ua augani mai lana Afioaga: “la outou faalatalata atu i le Atua, ona faalatalata mai lea o ia iā te outou.” (Iakopo 4:8) Ua maua ai e i tatou se valaaulia, atoa fo'i ma se folafolaga.

Sa'iili'iliga mo 'Oa Faaleagaga

it-1 103

Tagata Anakima

Na nofoia e tagata tinoeese vaega maugā ma tū matafaga o Kanana, aemaise lava i le itu i Saute. I se tasi taimi na nonofo ai ni tamāloloa aloa'ia se to'atolu o fanau a Anaki, o Aimano, Sesai ma Talemai i Heperona. (Nu 13:22) O inā na vaia ai e sipai Eperu e 12 atalii o Anaki, ma e to'a 10 sipai na latou avatua ni lipoti taufaamata'u e faapea, o nei tamāloloa na tupuga mai i ni tagata tinoeese a o le'i tupu le Lolo, ma pe a faatusatusa atu iā i latou e pei tagata Eperu o ni “sē.” (Nu 13:28-33; Te 1:28) Talu ai ona o lo latou maualuluga na faaaogā ai i latou e fai ma faatusatusaga e faamatala ai tagata tinoe-

ese o Emema ma Rafaimi. O lo latou malosi e foliga mai na maua ai lenei faaupuga: “O ai se e mafai ona tū atu i luma o atalii o Anaki?”—Te 2:10, 11, 20, 21; 9:1-3.

w06 10/1 16 ¶1-2

Ua Loto Tele Ona o le Faatuatua ma le Mata'u i le Atua

NA SAUNI le nuu o Israuelu e ulu atu i le Nuu Folafolaina i le 1473 T.L.M. Na faamanatu atu e Mose i le nuu nisi o lu'i o le a latou fe-saga'ia: “O le a e sopo'ia atu loritana i ona pō nei, ina ia e oo atu e fai mo oe o nuu e sili ona to'atele ma le malolosi iā te oe, o aai tetele ua puipuia i pa e oo i le lagi, o le nuu malolosi ma le maualuluga, o atalii o Anaki ua e iloa, ma ua e faalogo ai, ua faapea, Po o ai sē na te tu atu i luma o atalii o Anaki?” (Teuteronome 9:1, 2) loe, na lauiloa lenā ‘autau tinoeese! Sa matuā lava sauni fo'i nisi ‘autau a Kanana, sa iai solofanua ma kariota e iai u'amea maama'ai i uili.—Faamasino 4:13.

² A o Israuelu o se nuu na nofo pologa ma ua 40 tausaga talu ona feoa'i i le vaomatua. E tusa ai ma le manatu faaletagata, atonu sa leai se faamoemoe e manumalo ai Israuelu i le taua ma Kanana. Peita'i, na faatuatua Mose ma ia “iloa atu” leova o loo ta'ita'ia i latou. (Eperu 11:27) Na faapea atu Mose i le nuu: “O leova lou Atua, o ia na te sopomua atu iā te oe, . . . na te faaumatia i latou, na te faato'ilaloina fo'i i latou i ou luma.” (Teuteronome 9:3; Salamo 33:16, 17) Ina ua maliu Mose, na faamautinoa e leova iā losua Lana lagolagosua i lona fetalai atu: “Inā e tula'i atu ia, ia sopo'ia atu loritana lenā o oe, atoa ma lenei nuu uma, e ō i le nuu ua ou foa'iina atu ai iā te i latou, o le fanauga a Israuelu lava. E lē tu mai se tagata e tetee iā te oe i aso uma o lou ola; e pei ona ou i ai iā Mose, e faapea ona ou i ai iā te oe.” —losua 1:2, 5.